

ერთის მხრივ შპს „აქვა გეო“, (შემდგომში „მიმწოდებელი“) წარმოდგენილი მისი გენერალური დირექტორის გიორგი ჯირკვალიძის სახით, ხოლო მეორეს მხრივ მცხეთის მუნიციპალიტეტის მერია, (შემდგომში „შემსყიდველი“) წარმოდგენილი მცხეთის მუნიციპალიტეტის მერის გიორგი კაპანაძის სახით, ვაფორმებთ ამ ხელშეკრულებას და ვთანხმდებით შემდეგზე:

1. ხელშეკრულების საგანი

1.1 წინამდებარე ხელშეკრულების საფუძველზე „მიმწოდებელი“ ყიდის, ხოლო „შემსყიდველი“ შეისყიდის ნატურალურ მინერალურ წყალს „სნო“-ს 19 ლიტრიანი ბოცებით, (ტარის) გარეშე (შემდგომში „საქონელი“) და შემსყიდველი ორგანიზაციის მოთხოვნის საფუძველზე 0,5 ლიტრიან არანაკლებ 1(ერთი) შეკვრა პეტი სასმელი წყალი „სნო“ (ერთი შეკვრის რაოდენობა 12 ცალი).

1.2 ხელშეკრულების 1.1 მიზნისათვის „მიმწოდებელი“ დროებით სარგებლობისთვის გადასცემს „შემსყიდველს“ წყლის დისპენსერებს, ბოცებს (19 ლ. პოლიკარბონატის ტარას) და ბოცის სადგამებს, რომლებიც გამოიყენება მიმწოდებლის საქონლის რეალიზაციის (მოხმარების) სტიმულირებისათვის. მოხმარებელზე გაცემული დისპენსერი, ბოცები და სადგამები გაყიდვამდე რჩება მიმწოდებლის საკუთრებაში;

1.3 დისპენსერის, ბოცების (ტარის) და სადგამის რაოდენობა (შემდგომში 'ინვენტარი'), ასევე მათი განთავსების მისამართები მოცემულია მიღება-ჩაბარების აქტ(ებ)ში, რომელიც წარმოადგენს წინამდებარე ხელშეკრულების განუყოფელ ნაწილს.

1.4 „საქონლის“ მიწოდების ვადაა 2018 წლის 31 დეკემბრის ჩათვლით.

2. მხარეთა ვალდებულებები

2.1. „მიმწოდებლის“ ვალდებულებები:

- მიმწოდებელი ვალდებულია დროებით სარგებლობაში გადასცეს „შემსყიდველს“ ინვენტარი, ამ ხელშეკრულების პირობების შესაბამისად;

- „მიმწოდებელი“ ვალდებულია უზრუნველყოს ინვენტარის და საქონლის მიწოდება საკუთარი საშუალებებით. საქონლის ოდენობა და მიტანის ვადები თანხმდება ყოველ შეკვეთაზე წერილობითი სახით ან სატელეფონო შეტყობინებით;

- „მიმწოდებელი“ ვალდებულია მოხმარებლის შეკვეთის საფუძველზე 6 თვეში ერთხელ შეასრულოს დისპენსერების სანიტარიზაციის სამუშაოები;

- მიწოდებიდან 10 კალენდარული დღის განმავლობაში დისპენსერზე ქარხნული წუნის/დეფექტის აღმოჩენის შემთხვევაში, მიმწოდებელი ვალდებულია საკუთარი ხარჯით შეაკეთოს, ან შეცვალოს წუნის მქონე დისპენსერი ვარგისი დისპენსერით;

2.2. „შემსყიდველი“ ვალდებულებები:

- „შემსყიდველი“ ვალდებულია მიიღოს და გამოიყენოს წინამდებარე ხელშეკრულების საფუძველზე მიწოდებული ინვენტარი მხოლოდ ამ ხელშეკრულებით განსაზღვრული დანიშნულებით. დაიცვას ინვენტარის ექსპლოატაციის პირობები, გაუფრთხილდეს და დაიცვას დაზიანებისაგან. მოხმარებლის, ანმესამეპირთა (განზრახვითი, ან გაუფრთხილებლობითი) ბრალეულობით გამოწვეულ დისპენსერების დაზიანების, მწყობრიდან გამოსვლის, ან მისი დაკარგვის შემთხვევაში „შემსყიდველი“ ვალდებულია გადაუხადოს მიმწოდებელს თოთოეულ დაზიანებულ დისპენსერზე 300 (სამასი) ლარი დღგ-ს ჩათვლით, აღნიშნული დაზიანების/დანაკლისის დაფიქსირებიდან 10 (ათი) სამუშაო დღის განმავლობაში;

- „შემსყიდველი“ ვალდებულია ყოველ გადაცემულ დისპენსერზე მოიხმაროს/შეიძინოს თვეში არანაკლებ 5 (ხუთი) 19 ლიტრიანი ბოცა წყალი, ხოლო მინიმალური შეკვეთის მოცულობაა 5 ბოცა;
- „შემსყიდველი“ ვალდებულია გამოიყენოს ინვენტარი მხოლოდ დანიშნულებისამებრ, არ მოახდინოს ბოცებში (ტარაში) რაიმე სხვა სითხის ან ნივთიერების მოთავსება;
- „შემსყიდველი“ ვალდებულია წინამდებარე ხელშეკრულების საფუძველზე საქონლის მიწოდებისას დააბრუნოს მიწოდების ოდენობის შესაბამისი ცარიელი ბოცა (ტარა) ვარგის მდგომარეობაში, განსხვავების შემთხვევაში დგება მიღება-ჩაბარების აქტის ხვაობის რაოდენობაზე.
- „შემსყიდველი“ ვალდებულია მიმწოდებელს მოთხოვნის თანავე წარუდგინოს ინვენტარი და განახორცილოს მისი აღრიცხვა-ინვენტარიზაცია;
- „შემსყიდველი“ ვალდებულია ინვენტარის აღრიცხვა-ინვენტარიზაციის შედეგად დაფიქსირებული დანაკლისის შემთხვევაში გადაიხადოს თითოეული დაკარგულ/დაზიანებულ ბოცაზე (ტარაზე) – 20 (ოცი) ლარი დღგ-ს ჩათვლით, ხოლო თითოეულ დაკარგულ/დაზიანებულ ბოცის სადგამზე – 15 (თხუთმეტი) ლარი დღგ-ს ჩათვლით აღნიშნული დაზიანება/დანაკლისების დაფიქსირებიდან 10 (ათი) სამუშაო დღის განმავლობაში;
- „შემსყიდველი“ ვალდებულია მიმწოდებელთან წინასწარი შეთანხმების გარეშე არ გადაადგილოს დისპენსერები სხვა მისამართზე;
- „შემსყიდველი“ არა აქვს უფლება ხელშეკრულების მოქმედების პერიოდში ანალოგიური ურთიერთობა დაამყაროს წყლის მწარმოებელ, ან დისტრიბუტორ კომპანიებთან და შეიძინოს მათგან იდენტური მომსახურეობა (ანალოგიური მოცულობის ბალონებში სხვადასხელების წყლის შექმენა);
- წინამდებარე ხელშეკრულების შეწყვეტის შემთხვევაში „შემსყიდველი“ ვალდებულია დაუბრუნოს მიმწოდებელს ინვენტარი ვარგის მდგომარეობაში მოთხოვნიდან 10 კალენდარული დღის განმავლობაში;

3. საქონლის ფასი და გადახდის პირობები

3.1 ერთი 19 ლიტრიანი ბოცა წყლის ღირებულება ტარის გარეშე შეადგენს 6.40 ლარს (ექვსი ლარი და 40 თეთრი) დღგ-ს ჩათვლით, ხოლო ერთი ერთეული 0,5 ლიტრიანი პეტი სასმელი წყალი „სნო“-ს ღირებულებაა 0,33 (ნული მთელი ოცდაცამეტი მესედნი) ლარი.

3.2 „შემსყიდველი“ ვალდებულია გადაიხადოს მიწოდებული „საქონლის“ საზღაური ნაღდი ან უნაღდო ანგარიშსწორების წესით. ნაღდი ანგარიშსწორების შემთხვევაში, საზღაური გადაიხდება საქონლის მიწოდებისთანავე, „მიმწოდებლის“ მიერ წარდგენილი სასაქონლო ზედნადების საფუძველზე. უნაღდო ანგარიშსწორების შემთხვევაში, „შემსყიდველი“ ვალდებულია საქონლის საზღაური ჩარიცხოს „მიმწოდებლის“ მიერ ხელშეკრულებაში მითითებულ საბანკო ანგარიშზე, საქონლის მიწოდებიდან არაუმეტეს 5 (ხუთი) სამუშაო დღის განმავლობაში.

4. მხარეთა პასუხისმგებლობა

4.1. ამ ხელშეკრულებით გათვალისწინებული ნებისმიერი გადახდის ვადის 10 (ათი) დღეზე მეტი ხნით გადაცილების შემთხვევაში, „მიმწოდებელს“ უფლება აქვს წარუდგინოს მომხმარებელს წერილობითი მოთხოვნა საჯარიმო სანქციის გადახდის შესახებ (პირგასამტეხლო) გადაუხდელი ღირებულების 0,5 %-ის ოდენობით ყოველი ვადაგადაცილებული კალენდარული დღისათვის, დაწყებული ვადაგადაცილების მეორე კალენდარული დღიდან.

4.2. საჯარიმო სანქცია შეიძლება გამოყენებულ იქნას მხარეთა შეხედულებისამებრ და ჩაითვალოს სავალდებულო გადასახადად მხარის მიერ შესაბამისი წერილობითი მოთხოვნის წარდგენის მომენტიდან.

5. ხელშეკრულების მოქმედების ვადა

5.1 წინამდებარე ხელშეკრულება ძალაში შედის მისი ხელმოწერის მომენტიდან და მოქმედებს 2019 წლის 30 მარტის ჩათვლით.

5.2. ამ ხელშეკრულების ვადამდე შეწყვეტა (მოშლა) შესაძლებელია კანონით დადგენილი წესით, ან მიმწოდებლის მიერ გაკეთებული წერილობითი შეტყობინების საფუძველზე, თუ მომხმარებელი უხემად, ან სისტემატიურად არღვევს ამ ხელშეკრულებით ნაკისრ ვალდებულებებს.

6. დასკვნითი დებულებები

6.1. წინამდებარე ხელშეკრულებაში ცვლილებებისა ან/და დამატებების შეტანა დასაშვებია მხოლოდ მხარეთა ურთიერთშეთანხმებით. ამასთან, ყველა ცვლილება ან და დამატება უნდა გაფორმდეს წერილობით და ხელმოწერილ იქნას მხარეთა მიერ.

6.2. წინამდებარე ხელშეკრულებიდან წარმოშობილი ყველა დავა უნდა გადაწყდეს ურთიერთშეთანხმების საფუძველზე. შეუთანხმებლობის შემთხვევაში დავას განიხილავს საქართველოს სასამართლო.

6.3. ხელშეკრულება შედგენილია 2 (ორი) თანაბარი იურიდიული პირის მქონე ეგზემპლარად, რომელთაგან ერთი გადაეცემა მიმწოდებელს, ხოლო მეორე მომხმარებელს.

7. ხელშეკრულების პირობების კონტროლი

7.1. ხელშეკრულების პირობების კონტროლს განახორციელებს მცხეთის მუნიციპალიტეტის მერიის ეკონომიკისა და ქონების მართვის სამსახურის, მატერიალურ ტექნიკური განყოფილების მეორადი სტრუქტურული ერთეულის ხელმძღვანელი გია ბროძელი.

8. ხელშეკრულების ღირებულება

8.1 ხელშეკრულების სავარაუდო ღირებულებაა 4990 (ოთხი ათას ცხრაასოთხმოცდაათი) ლარი. CPV41110000.

9. მხარეთა რეკვიზიტები და ხელმოწერა:

მიმწოდებელი:

შპს "აქვა გეო"

ს/კ 204564113

მის: მცხეთის რ/ნი, ს. მისაქციელი

ტელ: 2470412; ფაქსი: 2470411

ელ.ფოსტა: dispenser@aquageo.ge

ბანკი: სს "საქართველოს ბანკი"

ბანკისკოდი: BAGAGE22

მიმღების IBAN: GE96BG0000000621671500

შემსყიდველი:

მცხეთის მუნიციპალიტეტის მერია

ს/კ 236099789

მის: ქ. მცხეთა, ანტიოქიის ქ. N7

ტელ.: 2 51 26 96

ბანკი: სახელმწიფო ხაზინა

ბანკის კოდი: TRESGE22

მიმღების IBAN: GE24NB0330100200165022

გენერალური დირექტორი:

გიორგი ჯირკვალიძე



მცხეთის მუნიციპალიტეტის მერი:

გიორგი კაპანაძე



მცხეთა

23.01.2018 წ.

ხელწერილი ინტერესთა კონფლიქტის შესახებ

ვადასტურებ, აღნიშნულ შესყიდვაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის I თავის მე-8 მუხლის გათვალისწინებულ პირობებს (შპს „აქვა გეო“ ს/ნ 204564113).

მცხეთის მუნიციპალიტეტის მერი



გიორგი კაპანაძე

მცხეთის მუნიციპალიტეტის მერიის
ეკონომიკისა და ქონების მართვის სამსახურის,
მატერიალურ ტექნიკური განყოფილების მეორადი
სტრუქტურული ერთეულის ხელმძღვანელი

A handwritten signature in blue ink, appearing to be 'გია ბროძელი'.

გია ბროძელი